

KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

Broj: P-06/13

Na osnovu članova 147, 148, 149. Zakona o zdravstvenoj zaštiti Federacije Bosne i Hercegovine (Službene novine FBiH, broj 46/10), članova 14, 62, 67. i 91. Statuta Komore diplomiranih zdravstvenih inženjera svih profila Federacije Bosne i Hercegovine (u daljem tekstu: Komore), te Pravilnika o postupku izdavanja licence, kao i sadržaju i izgledu licence (Službene novine FBiH, broj 82/13), Skupština Komore je dana 13.04.2013. godine usvojila:

**PRAVILNIK O IZDAVANJU, OBNAVLJANJU I ODUZIMANJU ODOBRENJA ZA
SAMOSTALAN RAD – LICENCE KOMORE DIPLOMIRANIH ZDRAVSTVENIH
INŽINJERA SVIH PROFILA FEDERACIJE BOSNE I HERCEGOVINE**

Član 1.

Ovim Pravilnikom o izdavanju, obnavljanju i oduzimanju odobrenja za samostalan rad - licence (u daljnjem tekstu: Pravilnik) određuju se uslovi, način i postupak izdavanja, obnavljanja i oduzimanja odobrenja za samostalni rad diplomiranih zdravstvenih inženjera/profesionalaca svih profila, članova Komore diplomiranih zdravstvenih inženjera svih profila Federacije Bosne i Hercegovine (u daljnjem tekstu: Komora).

Licenca izdata od strane Komore diplomiranih zdravstvenih inženjera svih profila Federacije BiH ima važnost na cijeloj teritoriji Federacije BiH.

I IZDAVANJE ODOBRENJA ZA SAMOSTALAN RAD - LICENCE

Član 2.

Odobrenje za samostalan rad javna je isprava kojom se dokazuje stručna osposobljenost diplomiranih zdravstvenih radnika, za samostalno obavljanje djelatnosti diplomiranog zdravstvenog inženjera/profesionalca.

Javnu ispravu, iz stavka 1. ovoga Člana, izdaje Komora primjenom odgovarajućih odredaba Zakona o zdravstvenoj zaštiti FBiH (Službene novine FBiH, broj 46/10,) i Pravilnika o postupku izdavanja licence, kao i sadržini i izgledu licence (Službene novine FBiH, broj 82/13).

KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

Odobrenje za samostalan rad obnavlja se svakih šest godina.

Komora izdaje odobrenje za samostalan rad diplomiranom zdravstvenom radniku, iz Člana 1. ovog Pravilnika, nakon položenog stručnog ispita i upisa u Registar članova Komore.

Odobrenje za samostalan rad se izdaje s danom upisa u Registar članova Komore.

Odluku o obliku i izgledu Odobrenja za samostalan rad donosi Upravni odbor Komore.

Odkuku o visini cijene troškova za izdavanje Odobrenja za samostalan rad donosi Upravni odbor Komore.

Član 3.

Diplomirani zdravstveni radnik, iz Člana 1. ovog Pravilnika, nakon položenog stručnog ispita i upisa u Registar članova Komore, podnosi zahtjev za izdavanje licence sa dokumentacijom propisanom Pravilnikom o postupku izdavanja licence, kao i sadržini i izgledu licence (Službene novine FBiH, broj 82/13).

Zahtjev za izdavanje ili obnavljanje licence podnosi se na propisanim obrascima koje donosi Predsjednik Komore.

Obrazaca iz stava 2. ovog Člana je sastavni dio ovog Pravilnika.

Zahtjev iz prethodnog stava ovog Člana, podnosi se Predsjedniku Komore koji ga prosljeđuje Komisiji za registar i za izdavanje, obnavljanje i oduzimanje odobrenja za samostalni rad – licenci za rad članstva Komore diplomiranih zdravstvenih inženjera svih profila FBiH.

Komora donosi Odluku o izdavanju licence, odnosno Odluku o odbijanju izdavanja licence u roku od 30 dana od dana prijema uredno dokumentiranog zahtjeva.

Član 4.

Komisiji za registar i za izdavanje, obnavljanje i oduzimanje odobrenja za samostalni rad – licenci za rad članstva Komore diplomiranih zdravstvenih inženjera svih profila FBiH odlučuje o zahtjevu u roku od 30 dana od primanja zahtjeva.

Ako Komisija utvrdi da je zahtjev nepotpun, pozvat će zaključkom podnosioca da dopuni zahtjev u roku od 15 dana od primitka dopisa. Ukoliko podnosioc zahtjeva u propisanom roku ne dopuni zahtjev, smatrat će se da zahtjev nije ni podnesen, te Komisija donosi Odluku kojom se zahtjev odbacuje.

KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

Na ovu Odluku, podnosioc zahtjeva se može žaliti Upravnom odboru Komore.

Nakon uredno primljenog zahtjeva sa svom potrebnom dokumentacijom Komisija donosi Odluku kojom daje ili obnavlja odobrenja za samostalan rad - licencu.

Na osnovu odluke Komisije, Predsjednik Komore izdaje Odobrenje za samostalan rad – licencu.

Ukoliko se u navedenom roku, iz opravdanih razloga, ne bi moglo izdati Odobrenje za samostalan rad, podnosocu zahtjeva izdati će se potvrda o podnesenom zahtjevu i ispunjavanju svih zakonom propisanih uslova za dobivanje i izdavanje Odobrenja za samostalan rad - licence.

Članovima Komore koji imaju trideset i više godina radnog iskustva na poslovima u svojoj struci, što dokazuje dokumentom kadrovske službe ustanove u kojoj su zaposleni, pri izdavanju licence izdaje se trajno odobrenje za samostalan rad

Član 5.

Diplomiranom zdravstvenom radniku koji u roku od 15 godina od dana položenog stručnog ispita nije obavljao minimalno dvije godine, u punom radnom vremenu, djelatnost svog stručnog naziva, Komora će izdati licencu samo uz prethodnu provjeru stručne osposobljenosti.

Provjera stručne osposobljenosti diplomiranog zdravstvenog radnika iz stava 1. ovoga Člana obavlja se pred komisijom Komore u koju se obvezno kooptiraju kao članovi: predstavnik strukovnog udruženja, ukoliko je isto osnovano, te predstavnik Federalnog ministarstva zdravstva.

Komisiju za provjeru stručne osposobljenosti diplomiranog zdravstvenog radnika imenuje Predsjednik Komore.

Sadržaj i način provjere stručnosti iz stava 1. ovog Člana određuje se općim aktom Komore.

Član 6.

Diplomirani zdravstveni inženjeri/profesionalci sa područja Federacije BiH su obavezni da u roku od 30 dana od dana položenog stručnog ispita podnesu Komori pismeni zahtjev za izdavanje odobrenja za samostalan rad.

Diplomiranom zdravstvenom radniku iz Člana 1. ovog Pravilnika koji u roku od šest godina od dana položenog stručnog ispita ne podnese zahtjev za izdavanje ili

KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

obnavljanje odobrenja za samostalan rad, Komora će izdati Odobrenje za samostalan rad samo uz prethodnu provjeru stručnost opisanoj u Članu 5. ovog Pravilnika.

Diplomiranom zdravstvenom radniku iz stava 1. ovog Člana, koji je zadovoljio u postupku provjere stručnosti izdaje se Odobrenje za samostalan rad s datumom polaganja ispita.

Član 7.

Diplomirani zdravstveni radnici – strani državljani i diplomirani zdravstveni radnici – penzioneri, koji traže izdavanje odobrenja za samostalan rad – licence (privremene ili trajne) u Federaciji BiH, dužni su uz zahtjev priložiti i dokumentaciju propisanu Članovima 10. i 11. Pravilnika o postupku izdavanja licence, kao i sadržaju i izgledu licence (Službene novine FBiH, broj 82/13).

Član 8.

Odobrenje za samostalan rad mora sadržavati slijedeće podatke:

- tačan naziv i sjedište Komore;
- broj licence;
- mjesto i datum izdavanja licence;
- ime, ime jednog roditelja i prezime diplomiranog zdravstvenog radnika;
- datum, mjesto i država rođenja diplomiranog zdravstvenog radnika;
- naznačenje stručnog naziva, naziva specijaliste odnosno subspecijaliste, akademske titule, odnosno naučno-nastavnog zvanja diplomiranog zdravstvenog radnika ili počasnog zvanja;
- datum i mjesto polaganja stručnog ispita, kao i naznačenje ispitne komisije nadležnog ministarstva zdravstva;
- stručna oblast za koju se licenca izdaje;
- razdoblje važenja licence (dan, mjesec, godina);
- potpis Predsjednika Komore i pečat komore.

II OBNAVLJANJE ODOBRENJA ZA SAMOSTALAN RAD - LICENCE

Član 9.

Diplomirani zdravstveni radnik, iz Člana 1. ovoga Pravilnika, dužan je stručno se usavršavati u postupku kontinuirane edukacije u skladu sa Pravilnikom o sadržaju, rokovima i postupku provjere stručnosti Komore.

Diplomiranom zdravstvenom radniku se obnavlja redovno Odobrenje za samostalan rad ukoliko je stekao dovoljan broj bodova u postupku stručnog usavršavanja koji se određuje posebnim aktom Komore.

Komisija za registar članstva i za izdavanje, obnavljanje i oduzimanje odobrenja za samostalan rad odlučuje o zahtjevu u roku od 30 dana od dana njegovog prijema.

Na temelju odluke Komisije, Predsjednik Komore donosi rješenje o obnavljanju odobrenja za samostalan rad ili rješenje o odbijanju zahtjeva za obnavljanje odobrenja.

Član 10.

Diplomirani zdravstveni radnik dužan je Komori podnijeti zahtjev za obnavljanje licence, najkasnije tri mjeseca prije isteka roka do kojeg mu važi odobrenje za samostalan rad.

Uz zahtjev iz stava 1. ovoga Člana podnosi se dokumentacija kojom se dokazuje ispunjenost kriterija stručnog usavršavanja u postupku kontinuirane edukacije.

Članu Komore može se obnavljati odobrenje za samostalan rad do 70 godina života pod uvjetom da ima opću zdravstvenu sposobnost. Nakon navršenih 70 godina života član Komore je dužan svake godine obaviti propisan zdravstveni pregled radi utvrđivanja opće zdravstvene sposobnosti. Nakon navršenih 75 godina života članu Komore se ne može produžiti odobrenje za samostalan rad

Član 11.

Odredbe ovoga Pravilnika o načinu podnošenja zahtjeva za izdavanje licence, sadržaju i izgledu dokumentacije, kao i načinu i rokovima rješavanja zahtjeva za izdavanje licence shodno se primjenjuju i u postupku obnavljanja licence.

Član 12.

Diplomiranom zdravstvenom radniku kojem je u skladu sa propisima o radu, kao i drugim propisima koji uređuju rad izbornih zvaničnika, odobreno mirovanje radnog odnosa, rok za ispunjavanje uslova za obnavljanje licence produžava se za utvrđeno razdoblje mirovanja radnog odnosa, i to u sljedećim slučajevima:

KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

- 1) izabranom, odnosno imenovanom diplomiranom zdravstvenom radniku na neku od javnih dužnosti u tijela BiH, Federacije BiH, tijela kantona, grada, općine i radniku izabranom na profesionalnu funkciju u sindikatu;
- 2) upućivanje na rad u inostranstvo od strane poslodavca ili u okviru međunarodno-tehničke ili obrazovnokulturne saradnje, diplomatska, konzularna i druga predstavništva;
- 3) diplomiranom zdravstvenom radniku, čiji je bračni drug upućen u inostranstvu u slučajevima iz stava 1. tačka 2. ovoga Člana i s kojim diplomirani zdravstveni radnik zajedno odlazi u inozemstvo, rok za ispunjavanje uslova za obnavljanje licence produžava se za utvrđeno razdoblje mirovanja radnog odnosa;
- 4) Ako diplomirani zdravstveni radnik iz opravdanih razloga utvrđenih zakonom, kao što su: privremena spriječenost za rad duža od šest mjeseci, trudnoća i komplikacije u vezi sa održavanjem trudnoće, porodiljsko odsustvo i odsustvo radi njege djeteta, odnosno člana uže porodice i drugi opravdani slučajevi, nije ostvario uslove iz Člana 10. ovoga Pravilnika, rok za ispunjavanje uslova za obnavljanje licence produžava se za razdoblje trajanja navedenih razloga koji su prouzrokovali nemogućnost obnavljanja licence u propisanom roku.

U slučajevima iz stava 1, 2, 3. i 4. ovoga Člana, diplomirani zdravstveni radnik je dužan Komori podnijeti dokaze kojim dokazuje postojanje uslova koje su prouzrokovale nemogućnost obnavljanja licence u propisanom roku.

Član 13.

U slučaju nastanka uslova iz Člana 12. ovoga Pravilnika, na dokumentiran zahtjev diplomiranog zdravstvenog radnika Komora izdaje odluku o mirovanju statusa člana Komore, odnosno mirovanju licence.

III ODUZIMANJE I OGRANIČAVANJE ODOBRENJA ZA SAMOSTALAN RAD - LICENCE

Član 14.

Komora može diplomiranom zdravstvenom radniku privremeno ili trajno oduzeti odobrenje za samostalan rad. Odobrenje za samostalan rad se privremeno oduzima na vrijeme do godinu dana, odnosno dok traju razlozi na osnovu kojih je odobrenje za samostalan rad oduzeto.

Član 15.

KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

Odobrenje za samostalan rad se oduzima privremeno:

- ako nije ispunio obavezu stručnog usavršavanja u skladu sa propisima o sadržaju, rokovima i postupku stručnog usavršavanja i provjere stručnosti koje donosi Komora,
- ako je odlukom Suda Komore upućen na dodatno stručno usavršavanje;
- ako se utvrdi da diplomirani zdravstveni radnik svojim radom ugrožava zdravlje i život korisnika usluga i to dok traju te okolnosti;
- ako je diplomiranom zdravstvenom radniku odlukom Suda Komore, pravomoćnom odlukom redovnog suda ili odlukom drugog tijela privremeno zabranjeno obavljanje poslova zdravstvene djelatnosti svoje struke;
- ako diplomirani zdravstveni radnik izvan punog radnog vremena obavlja poslove zdravstvene zaštite u suprotnosti sa odredbama Zakona o zdravstvenoj zaštiti;
- ako diplomirani zdravstveni radnik obavlja svoju zdravstvenu djelatnost protivno važećim propisima;
- ako se utvrdi da diplomirani zdravstveni radnik iz drugih razloga ne ispunjava uslove za obavljanje svoje struke;
- grubim kršenjem i nepoštivanjem Statuta Komore;
- neplaćanjem članarine u trajanju od 12 mjeseci.

Odobrenje za samostalan rad se oduzima trajno:

- ako je zdravstvenom radniku odlukom Suda Komore, pravomoćnom sudskom odlukom ili odlukom drugog tijela trajno zabranjeno obavljanje svoje djelatnosti ;
- Komora odredi tu mjeru kao najstrožu kaznu zbog kršenja etičkih principa struke.

Član 16.

Ukoliko Komora utvrdi da su nastupili uslovi za oduzimanje licence iz Člana 15. ovoga Pravilnika, donosi Odluku o oduzimanju licence.

Protiv odluke Komisije, odnosno rješenja Predsjednika Komore, član ima pravo žalbe Sudu Komore u roku od 15 dana od dana uručenja odluke, odnosno rješenja.

Odluka po žalbi se mora donijeti u roku od 30 dana od dana podnošenja žalbe.

KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

Član ima pravo prisustvovati sjednici Suda Komore na kojoj se raspravlja o njegovoj žalbi.

Odluka Suda Komore je konačna.

Član 17.

Komora je dužna, bez odlaganja, o privremenom ili trajnom oduzimanju licence diplomiranom zdravstvenom radniku, izvijestiti poslodavca diplomiranog zdravstvenog radnika, zavod zdravstvenog osiguranja, kao i nadležnu zdravstvenu inspekciju.

Član 18.

Član Komore dužan je u roku od osam dana po isteku vremena za koje mu je privremeno oduzeto Odobrenje za samostalan rad podnijeti zahtjev za obnavljanje Odobrenja za samostalan rad.

Uz zahtjev treba priložiti dokaze da ispunjava uslove za obnavljanje Odobrenja za samostalan rad.

Ako su uslovi ispunjeni, Komisija za registar i za izdavanje, obnavljanje i oduzimanje odobrenja za samostalni rad – licenci za rad članstva Komore diplomiranih zdravstvenih inženjera svih profila FBiH donosi Odluku o obnavljanju Odobrenja za samostalni rad, na način kako je to predviđeno Članom 4. ovog Pravilnika.

IV PRIJELAZNE I ZAVRŠNE ODREDBE

Član 19.

Članovima Komore koji prvi put podnose zahtjev za izdavanje Odobrenja za samostalan rad – licence, a u skladu sa Pravilnikom o postupku izdavanja licence, kao i sadržini i izgledu licence (Službene novine FBiH, broj 82/13), ista se izdaje na osnovu uredno priložene dokumentacije propisane Pravilnikom, bez zahtjeva za uvid u postupak kontinuirane edukacije u skladu sa Pravilnikom o sadržaju, rokovima i postupka provjere stručnosti Komore.

Član 20.

Redovna licenca se izdaje na razdoblje od šest godina. Privremena licenca se izdaje na razdoblje kraće od šest godina.

Licenca se izdaje s datumom upis diplomiranog zdravstvenog radnika u Registar članova Komore.



Član 21.

Skupština većinom glasova usvaja Pravilnik i postaje važeći danom donošenja.

Izmjene i dopune ovog Pravilnika donose se po istom postupku kao i Pravilnik.

Član 22.

Komora štiti pravo na privatnost svojih članova u skladu sa Zakonom o zaštiti ličnih podataka Bosne i Hercegovine (Službeni glasnik BiH, broj 32/01).

Predsjednik Skupštine Komore diplomiranih
zdravstvenih inženjera svih profila FBiH



Prilog 1.

Zahtjev za izdavanje Licence

Obrazac II- KDZIFBIH

KOMORA DIPLOMIRANIH ZDRAVSTVENIH INŽINJERA SVIH PROFILA FEDERACIJE
BOSNE I HERCEGOVINE

Bulevar Meše Selimovića 2, Sarajevo

IME I PREZIME _____

JMBG _____

STRUČNI NAZIV _____

ADRESA STANOVANJA _____

E-MAIL _____ BROJ TELEFONA _____ BROJ MOBITELA _____

ZAPOSLEN/A U _____ OD: _____

ADRESAZAPOSLENJA _____ BROJ TELEFONA _____

Na osnovu Pravilnika o postupku izdavanja licenci, kao i sadržaju i izgledu licenci (Službene novine FBiH broj 82/13), Pravilnika o izdavanju, obnavljanju i oduzimanju odobrenja za samostalan rad (licence) i Statuta Komore diplomiranih zdravstvenih inženjera svih profila Federacije Bosne i Hercegovine, podnosim

ZAHTJEV ZA IZDAVANJE ODOBRENJA ZA SAMOSTALAN RAD

(LICENCE)

KOMORA DIPLOMIranih ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

Zahtjevu prilažem slijedeću dokumentaciju (zaokružiti redni broj dokumenta koji se prilaže):

Za zdravstvene radnike – državljane BiH

1. Ovjerenu fotokopiju diplome visoke stručne spreme zdravstvenog usmjerenja, odnosno rješenje o nostrifikaciji diplome visoke stručne spreme zdravstvenog usmjerenja, stečene u inostranstvu, izdatu od nadležnog tijela saglasno propisima o visokom obrazovanju;
2. Ovjerenu fotokopiju uvjerenja o položenom stručnom ispitu, a u slučaju da je stručni ispit položen izvan BiH dokaz o priznatom stručnom ispitu od strane Federalnog ministarstva zdravstva;
3. Ovjerenu fotokopiju uvjerenja o državljanstvu;
4. Ovjerenu izjavu o poštivanju etičkih i deontoloških načela zdravstvene struke (Obrazac I-KDZIFBIH);
5. Ovjerenu fotokopiju uvjerenja o stečenoj akademskoj tituli, odnosno nastavno-naučnom zvanju ili počasnom nazivu;
6. Dokaz o uplati naknade za izdavanje licence.

Osim dokumentacije navedene pod rednim brojevima od 1. – 6., zdravstveni radnik – državljanin BiH, koji je zdravstvenu djelatnost obavljao u Republici Srpskoj ili Distriktu Brčko, a podnosi zahtjev za izdavanje licence u Federaciji BiH, dužan je priložiti i slijedeće dokumente:

7. Potvrdu o članstvu ili aktivnostima u odgovarajućoj komori u Republici Srpskoj ili Distriktu Brčko;
8. Potvrdu o poštivanju etičkih i deontoloških principa struke odnosno dokaz da se u komori čiji je član, protiv podnosioca zahtjeva za izdavanje odobrenja za samostalan rad (licence) ne vodi disciplinski postupak (tzv. *good standing*) koja ne smije biti starija od tri mjeseca a izdaje je nadležna komora čiji je član podnosioc zahtjeva.

Za zdravstvene radnike – strane državljane

Osim dokumentacije navedene pod rednim brojevima od 1. – 6., zdravstveni radnik – strani državljanin koji podnosi zahtjev za izdavanje licence u Federaciji BiH, a na temelju radne dozvole, dužan je uz zahtjev za izdavanje licence priložiti i slijedeće dokumente:

9. Dokaz o državljanstvu države Europske unije odnosno Europskog privrednog prostora (EU/EPP) ili države koja nije članica EU/EPP a ima bolonjski sistem obrazovanja;

KOMORA DIPLOMIranih ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

10. Dokumentaciju određenu važećim propisima o kretanju i boravku stranaca, kao i azilu, radnu dozvolu za strance izdatu od nadležnog tijela u skladu sa propisima koji regulišu oblast zapošljavanja stranih državljana;
 11. Potvrdu o članstvu i aktivnostima u odgovarajućoj komori zemlje porijekla;
 12. Potvrdu o poštivanju etičkih principa struke, odnosno da se protiv podnositelja zahtjeva ne vodi disciplinski postupak (tzv. *good standing*), koja ne smije biti starija od tri mjeseca a izdaje je nadležna komora čiji je član podnosioc zahtjeva;
 13. Potvrdu o poznavanju jednog od jezika koji je u službenoj upotrebi u BiH, izdatu od licencirane škole prema zajedničkom europskom referentnom okviru za jezike, minimalno C1 (napredni korisnik), osim ako je jezik dodiplomske nastave bio bosanski, srpski ili hrvatski jezik;
- Zdravstveni radnici – strani državljanici nisu dužni priložiti uvjerenje o položenom stručnom ispitu ukoliko su državljanici EU/EPP, odnosno trećih zemalja koje imaju bolonjski sistem obrazovanja.
 - Dokumentacija mora biti na jednom od jezika koji su u službenoj upotrebi u BiH odnosno, ukoliko je na stranom jeziku, mora biti prevedena na jedan od službenih jezika koji su u službenoj upotrebi u BiH od strane ovlaštenog sudskog tumača.

Za zdravstvene radnike – penzionere

Osim dokumentacije navedene pod rednim brojevima od 1. – 6., zdravstveni radnik – penzioner koji podnosi zahtjev za izdavanje licence u Federaciji BiH, dužan je uz zahtjev za izdavanje licence priložiti i slijedeće dokumente:

14. Ovjerenu fotokopiju rješenja o korištenju starosne penzije;
15. Liječnički nalaz o zdravstvenoj sposobnosti za obavljanje poslove svoje struke.

(potpis podnosioca zahtjeva)

U _____

(navesti mjesto i datum)